

SCRIPTA

Numéro Scripta : 1264

Auteur(s) : Bayeux (vicomte)

Bénéficiaire(s) : Renouf Paen [particulier]

Genre d'acte : charte

Authenticité : non suspect

Datation : 1282, 1 juillet

Lieu d'émission : Bayeux

Action juridique : autre

Langue du texte : ancien français

Analyse

Reconnaissance par Guillaume Lespec d'une dette de 40 sous tournois envers Renouf Paen.

Tableau de la tradition

Éditions principales

a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° CCCCLXXXIX, t. 2, p. 229-230.

Texte établi d'après a

A touz cels qui ces letres verrunt, le visconte de Baiex, saluz. Sachiez que Guillame Lespec, de la parroisse Saint Sauvoor de Baiex, establi par devant mei, recogneut que il deit à Renouf Paen quarante solz de Torneis por une robe que il a eue de lui et achaté par marchi, et por deniers pretez et balliez à lui, à paier et à rendre à la mi aoust prochaine à venir au dit Renouf ou à son commandement qui portera ces letres. Et por les diz deniers paier et rendre au dit terme, le devant dit Guillame obliga, par devant mei, son corz et touz ses biens muebles et immuebles, où que il seient, à prendre, à lever et à despendre, de si à tant que les diz deniers seient touz paieez et renduz au dit Renouf, et les couz et les damages, que il auroit por la défaute deu paiement, autressi comme la principal dete. Et, en tesmoig de cen, ceste letre est seelée du seel de la visconté de Baiex, à la requeste des parties, sauve la dreiture le Rei. Et jen, devant dit Guillame, qui voil et otrei que la vente, qui sereit fete de mes biens par la justice le Rei por défaute deu paiement, seit ferme et estable, met desorendreit tout mon héritage en la main le Rei, que se il esteit mestier de vendre, que empechement n'i puisse estre por chose que je fasce desorénavant que le Rei ne le puisse vendre ou faire vendre por défaute deu paiement. Et renonce à tot privilège de croiz prise et à prendre, et à totes exceptions par quei le paiement porroit estre retargié. Ce fu fait en l'an de grâce mil ijc quatre vinz et deux, le mecredi, jor de feste des Reliques Nostre Dame de Baiex.